

四庫全書存目叢書編纂委員會編

齊魯書社


四庫全書存目叢書

子部
第二三二冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB53/04

四庫全書存目叢書・子部二三二

(大陸版・限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東省印刷有限公司印製

787×1092 毫米 16 開本 51.25 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第二三二冊目次

子部·類書類

行年錄不分卷(二)

〔清〕魏方泰輯
北京大學圖書館藏清乾隆十七年家刻本

..... 一

石樓臆編六卷

〔清〕周綸輯
天津圖書館藏清康熙刻本

..... 六一四

行年錄不分卷(二)

〔清〕魏方泰輯

北京大學圖書館藏清乾隆十七年家刻本

附《四庫全書總目·行年錄無

卷數》提要

行年錄

廣昌魏方泰魯峰氏纂輯

四十餘歲

魯穆叔會晉歸告孟孝伯曰趙孟將死矣其語儉不似
民主且年未盈五十而諄諄焉如八九十者弗能久

矣成二年期死文子始生至襄三十年
會盟淵蓋年四十七入互見老年

漢公孫弘四十餘方讀春秋顏氏家訓
詳見老年

漢桓鸞字始春以世濁不仕年四十餘時太守向苗有
名迹乃舉鸞孝廉

漢鄭玄戒子益恩書曰吾年過四十乃歸供養假田播

殖以娛朝夕互見六十
七十歲

行年錄 四十餘歲

漢楊雄字子雲年四十餘自蜀來遊京師大司馬車騎

將軍王音奇其文召以爲門下史薦雄待詔歲餘奏

賦爲郎給事黃門與王莽並其後卒爲王莽臣而死

於其勢是其進也以王氏終也以王氏大節之虧有

自來矣讀書
鏡

東漢崔瑗年四十餘始爲郡吏以事繫東郡發千獄獄

掾善爲禮瑗間考訊時輒問以禮說其專心好學雖

顛沛必于是互見
十八

後漢茅容字季偉年四十餘耕于野與等輩避雨樹下

衆皆夷踞容獨危坐郭泰見而異之因留寓宿旦日

容殺雞食母餘半度置自以草蔬與客同飯泰曰卿

賢哉遠矣郭林宗猶減三牲之具以供賓旅而卿如
此乃我友也起對之揖勸令就學卒以成德

漢末扈累字伯重年四十餘隨青牛先生遊學得其術
婦亡遂不復娶獨居道側吟詠內書閉口不
言至嘉平中年八九十歲載若四五十者

晉謝安字安石少有時名弟萬為中郎將安雖處衡門
其名猶出萬右朝命敦逼皆不就及萬黜廢始有仕

進志時年已四十餘矣桓溫請為司馬朝士送於新
亭高崧戲之曰卿高臥東山諸人言安石不肯出將

如蒼生何蒼生今亦將如卿何既到溫甚喜及出溫
問左右頗常見我有如此客否或作四十一互見

晉魏舒字陽元年四十餘郡上計掾察孝廉宗黨以舒
行年錄

四十餘歲
二

無學業勸令不就可以為高耳舒曰若試而不中其
負在我安可虛竊不就之高以為已榮乎于是自課

百日習一經因而對策升第除灑池長

晉王舒字處明以天下多故不營當時名潛心學植年
四十餘州禮命太傅辟皆不就

晉孫楚字子荆少欲漱石枕流年四十餘始泰鎮東軍
事自負才氣見石苞不拜但長揖曰天子命我叅卿

軍事

晉孔瑜字敬康與張偉康丁世康齊名號會稽三康瑜
獨嘯歌吹自稱孔郎年四十餘始應安東命百姓謂

有道術為生立孔郎廟

晉杜夷字行齊高汝穎間十載足不出門年四十餘始
還鄉里閉門教授生徒千人

南齊劉瓛字子珪性至孝母孔氏曰阿稱即今世曾子
年四十餘未有婚對太祖與褚淵為娶王氏女王氏

祿壁挂履土落孔氏床上孔氏不悅瓛即出其妻

梁吉士瞻字梁容或勸以經學因誦鮑照詩云豎儒守
一經未足識行藏拂衣不顧年逾四十忽忽不得志

乃就江陵卜者王先生計祿命王生曰君擁旄仗節
非一州後一年當得戎馬大郡年逾四十始事武帝

梁賀琛年已四十餘始應臨川王宏辟補祭酒從事武
帝聞其有學術召見文德殿與語悅之謂徐勉曰琛

行年錄
四十餘歲
三

殊有門業互見童幼

陳張昭字德明弟乾字玄明以父母服杜門十餘年兄
弟並因毀成疾年並未五十終于家

北魏高允神龜三年為陽平王杜超從事中郎年四十
餘矣超以方春而諸州囚多不決乃表允與呂熙等

分詣諸州共評獄事熙等皆以貪穢獲罪惟允以清
平獲賞互見十餘歲

北齊王太司馬母魏夫人性甚嚴王在湓城時為三千
人將年踰四十少不如意猶捶撻之故能成其勲業

顏氏
家訓

唐裴寂家貧走京師過華山祠祈神其夜夢老人曰君

年逾四十當貴後果驗

唐源乾曜始仕已四十餘歷官皆以清慎恪敏得名相

十年與張嘉貞張說李元結杜暹同秉政居中未嘗廷議可否唯務為寬平博得相度云

唐哥舒翰任俠重然諾縱酒長安市年四十餘遭父

喪不歸不為長安尉所禮慨然發憤遊河西事節度

使王倕倕攻沂城使翰經各稍知名

唐高適詩百年將半仕三已五畝就荒天一涯

唐孟郊年幾五十始以尊夫人之命來集京師從進士

試既得即去問四年又命來選為溧陽尉迎侍深上

陸運使從事試協律郎親拜其母于門內母卒五年

而鄭公以節鎮與元軍奏為其專奏誅試大理評事

辛年六十四 昌黎作墓誌銘 四十餘歲

唐李輔國以閹奴為閑廐小兒事高力士年四十餘使

主廐中簿最王鉞為使以典禾豆能檢擿耗期馬以

故肥薦之皇太子得侍東宮

唐陽城有寡妹依以居其子四十餘廝不知人城常負

以出入

唐元延祖亨之子年過四十不仕親姪強之乃調春陵

丞輒棄官去曰人生衣食可適饑寒不宜復有所須

每灌畦掇薪以為有生之役過此吾不思也互見三歲

唐白居易詩衰鬢踰將五十關河迢遞過三千又

栽松詩栽植我年晚長成君性遲如何過四十種此

數寸枝得見成陰否人生七十稀

唐王徽字昭文宣宗詔宰相選可倚主者或以微聞徵

本治聲利聞不喜往見宰相劉球曰微年過四十又

多病不應在選球為言乃罷

唐薛戎字元夫客陽羨山年四十餘不仕江西觀察使

李衡辟幕府三返乃肯應福建觀察使劉冕辟佐其

府冕欲除馬總以附倖家使戎攝刺使按置其罪戎

曰以是待我耶我始不願仕正為此耳堅不從

唐王質字華卿力耕養母講學不倦諸生從授業者甚

衆年逾四十偃蹇無進取意嫻友苦勸以仕乃舉進

士中甲科

唐李藩字叔翰家饒財好施與嫺屬有持去者未嘗問

行年錄 四十餘歲 五

居數年畧盡年四十餘困廣陵間不自振妻子追咎

藩晏如也

僞王蜀葉逢少明悟以詞筆求知書詣術士馬處謙問

命通塞馬曰四十以後方可圖之苟或先得于壽不

永時州府交辟以多故參差不成其事後克湖南通

判官未除官之前夢見乘船赴任江上候吏有午而

至迎入石宿覺後語于廣成先生杜光庭次忽報敕

下授檢校水部員外郎廣成曰昨宵之夢豈小川之

謂乎自是解維覆舟於健為郡青衣灘而死此夢

宋趙普為盧多遜所毀謂初無立太宗意普自陳預聞

昭憲太后顧命及前朝上表自訴等事帝發金櫃得

誓書及覽普前表因召見謂曰人誰無過朕不待五十已知四十九年非矣乃拜普爲司徒兼侍中普字則平張安國守撫州時年未五十其父總得老人在官一日老人在齋中索紅筆發書來有兩吏人來聲喏拱立總得問爲誰對云書表司道閣運使發書來祇應總得遣而去却呼安國來曰撫州書表司是伏事汝我如何使汝當伏侍我發書安國侍立候總得修書封題遣發乃退宋會三異同話錄

宋魏羽字垂天強力爲吏幹尤小心謹事太宗嘗謂左右曰羽歷劇職十年始逾四十鬚鬢盡白亦可憐也杜正獻公自少清羸若不勝衣年過四十鬚髮盡白雖

行年錄

四十餘歲

六

立朝孤峻凜然不可屈而不爲奇節危行雍容持守不以有所不爲爲賢而以得其所爲爲幸宋葉夢得石林詩話宋趙抃除夜泊臨江縣言懷詩未報君恩踰四十青春還是一番增年四十餘擯去聲色繫心宗教日親佛慈悲未嘗容措一詞後典青州政事之餘多宴坐忽大雷震驚即契悟作偈曰默坐公堂虛隱几心源不動湛如水一聲霹靂頂門開喚起從前自家底慧聞笑曰趙閣道撞彩耳公臨終遺書慧曰非師平日警誨至此必不得力矣

宋邵堯夫年四十始娶

宋龔鼎臣論蕪安靜年未五十不應超押班仁宗從之

宋胡瑗字翼之讀書泰山十年不歸得家書見上有平安字即投之閭中不復展閱年四十餘累試不第范文正公薦之以白衣對崇政殿校書郎改湖州教授弟子數百人時有四真之目富公真宰相包公真御史中丞永叔真學士翼之真先生史載瑗以經學十餘景祐初更定雅樂詔求知音者范仲淹薦瑗白衣對崇政殿與阮逸同較鐘律宋陶岳知瑞州父老言前後刺史不求硯者惟包孝肅及岳二人年四十餘五爲郡守

宋王益柔勝之爲館職年少意頗張挾叔文亦新貼館職年長而官已高每羣聚輒居上坐王密於屏風題云四十餘年老健兒乃唐徐州節度王智興自詠

行年錄

四十餘歲

七

句也翼日會食張正座詩下衆無不哂劉真父詩話

宋鄒極登進士第元祐初提點江西刑獄事官滿乞祠未幾致仕時年猶未五十日與方外異人道逢烟霞泉石間故園流勇退仙風道骨中人也西江志

宋劉子翬字彥中秋意詩百年未半老相逼四序平分

秋獨悲

宋周常字仲修進士第以養親求教授揚州年未五十即致仕後以薦起

宋郭義重字處仁早遊太學以操尚稱年四十餘客錢塘徒跣奔母喪每一慟輒嘔血家貧甚故人有所饋皆不受聚土爲墳手蒔松栢而廬于其傍甘露降于

墓上鳥鵲馴集一作郭義 五

宋郝戴字伯牙調通山令時年未五十以父樵老不第
上書請致仕爲父求官執政諭使赴官而後請曰如
是則可升朝籍遇恩及親矣于是留妻子於家獨奉
父行踰歲竟謝事上官耆老固留不得得太子中允
以歸

宋劉貢父嘗言人之戲劇極有可人處楊大年與梁周
翰朱昂同在禁掖大年年未三十而二公皆高年矣
大年但呼朱翁梁翁每以言侮侮之一日梁戲謂大
年曰這老亦當留與君也朱子後亟握手曰不要與
衆皆笑其捷雖一時戲言而大年不五十而卒

行年錄 四十餘歲 八

山清話 互見初生童幼七

宋劉邦美字才卿年過四十即棄去人間事時從方
外談說內外丹間取松栢啖之

宋劉學箕字習文恬於仕進年未五十即南山之下居
焉扁曰方是閒堂若將終身

宋廖琮官至朝儀大夫年未五十思及其親即致仕歸
教授鄉閭多所成就緒紳高之

宋唐叟字元老授徒養母年四十餘不要爲海康令蘇
軾南遷過之握手道舊叟時年及五十軾嘆曰元老
行雖孤高唐氏豈容無嗣力勉之要

宋李昉字壽甫質魁聲宏面如鋸玉年逾強仕值江西

有變遂取古之不仕二姓者書于屋壁自號林泉隱
求子人稱林泉先生

遂蕭蒲南不被召不應與親識遊獵山水奉養無長物
僕隸欣欣如也或曰公胡不念以嗣先世功名答曰
自度不足以繼先業年逾強仕安能益主庇民累微
皆以疾辭

金蒲察琦字仁卿崔立變令易巾髻琦謂元好問曰琦
襲兄世爵安忍作此今以一死付公然死則即死付
公一言亦剩矣因涕泣而別至家母方晝寢驚而寤
琦問阿母爲何母曰適夢三人潛伏梁間故驚寤仁
卿跪曰梁上人鬼也兒意在懸梁阿母夢先見耳家

行年錄 四十餘歲 九

人輩泣勸曰君不念老母歟母止之曰勿勸兒所處
是矣即自縊時年四十餘

元徹徹担古思氏父母歿祭祀哭泣常如袒括時年四
十餘思慕猶如孩童每見人父母則嗚咽流涕人問
其故曰人皆有父母我獨無是以泣耳

元周古象兵掠至薊餐蒙古氏既生子未嘗喜妻詢其
故曰有母在欲得歸省妻許之嗚曰母在當奉養勿
以妾故復來及歸母尚無恙古象年四十餘奉養盡
孝母歿廬墓妻亦終身不嫁

元李度字孟容元統間見一全真道士年五十餘相貌
魁偉嘗坐東省茶肆中所言輒有驗因訪其寓所以

出處叩之全真曰汝仕不在北方且宜南歸四十後方可食祿臨別偶問及時事全真曰此後當改至元至元後改至貞天下亂矣度曰國初已有至元全真曰汝第識之度南還至閩河間改至元心益信之及改至正則知貞者正也四十後方補饒州府史錄耕元刑安國少以詞賦名年踰四十即不應科舉以詩歌自娛山西武鄉縣志

明何喬新祐古齋記南豐余君公理好古篤學所居沙溪幽巖怪壑有盤谷之勝奇花嘉植有嵩洛之風公理隱居其中年甫四十餘即以家政付其子非有事未嘗至城府構居數楹以為講習之所凡經史子集

行年錄

四十餘歲 十

之書琴劍觴豆之器山鏡冢刻之遺文具藏其間公理日孜孜討論恒若求而弗得或展卷會心又欣然若獲希世之珍者今年踰知命而嗜古之心益篤乃偏其齋曰祐古邑弟子因捨其姓字稱為祐古先生云西江志 祐音結以天貯物而執其結也

明章懋諫張燈左遷尋陞僉事年未及艾即力辭官歸力田自給四方學者雲從家貧刈蔬脫粟而餉之或諷為文章曰弗暇或請著述曰先儒之言至矣盡矣刪其繁蕪可也出歐定向先進遺風 互見四十一八十八十餘歲明劉秉鑑字遵教初學于甘泉尤篤志于陽明之學沒時年未及五十西江志

明陳械字仲方官大理寺以諫獄不右中官劉瑾惡之罷歸瑾誅起知台州府不赴年未五十士論尚之陳文輔又作

明馬一龍嘉靖七年發解居二十餘年成進士年四十餘矣選庶吉士乞歸養母無以養也外家貸以百金墾荒大熟家以大富歲冬鄉舉行鄉飲禮一龍集其田間年八十上下者為耆會會二十四人則請講說五十年前所記一事各為一龍言而一龍記之

明黃卷字景文一字萬崕嘉靖己丑進士歷官憲副年踰強仕即解組歸服猿與禪躬督田事與奴僕同甘苦嘗從隣舍借耒耜隣人負送卷曰但借足矣豈可

行年錄

四十餘歲 十一

復荒汝工自負去又嘗以隻鷄尊酒候邑侯比逸去復曰造瓦尊可見還侯笑與之其滑稽如此明鄭敬轉山東副使食少事繁方踰四衰而髮盡白自陳致仕歸卒于家年五十八幾無以為殯廣東志

明王叔果字育德擢廣東按察副使引疾歸時尚未五秩屏居鄉廬精研六經性理之學浙江志

明張光甫父滿起補滇南叱馭勤勞冒瘴病篤光甫隨侍時年幾五旬衣不解帶日夜進藥嘗冀顧天願以身代父逝萬里扶視號泣數形終身不茹葷河南府明陳錫爵時御史楊春茂疏上請擢爵愈意爵遂飄然掛冠年未五十也廣東志 互見九歲

明張執中號歷山爲戶部主事失權相懼而歸時甫踰
強仕家居孝友折衷經書子史勒成一家言爲諸子
姪後生先資至老不倦壽八十二部使者表爲人瑞
明海州節婦侍小花年十六許嫁而夫亡歸家成喪持
服養姑送終剪髮自誓守節不二洪武間採訪使上
其事所司以年未五十不合例徐宗實上言曰隨事
處中始爲合義守文執一豈曰得宜厥婦既能哭夫
於筵嫁之初又能剪髮於葬姑之後雖矧日截耳亦
無以加自當與卓異同科豈與尋常比例廷論題其
言下郡邑旌之

行年錄

四十餘歲

十一

行年錄

廣昌魏方泰魯峰氏纂輯

四十一歲

漢桓麟字元鳳蚤有才慧母終麟不勝喪未祥而卒年
四十一

歸德志

漢京房字君平治易專焦延壽曰得我道以亡身者必
京生也後與石顯五鹿充宗不協徵下獄棄市時年
四十一

漢胡碩字季叔遺疾上印綬詔書聽許以侍中養疾其
年七月被尚書召不任應命詔使謁者劉惔賁印綬
即拜陳留太守碩聞使者至加朝服拖紳使者致詔

行年錄

四十一歲

一

碩以手自擎陳辭謝恩其明二十一日遣吏奉章報
謝意氣精明是日疾遂大漸刻漏未分奄忽而卒時
年四十一天子憫悼詔使者王謙送葬以中牢具祠
賜錢五萬布百疋贈穀三千斛同位畢至赴弔雲集
生榮未艾沒有餘哀

昌黎志

晉魏舒年四十一舉孝廉

晉卜珣字子玉少好讀易郭璞見而嘆曰吾所弗如也
奈何不免兵厄珣曰然吾大厄在四十一位爲卿將
當受禍耳不爾亦爲猛獸害子亦未見令終也璞曰
吾禍在江南甚營之未見免兆珣曰子勿爲公吏可
免璞曰吾不能免公吏猶子之不能免卿將也後

聰署翊使持節平比將軍將行謂妹曰此行也死自吾分後慎勿紛紜敗奔爲元帥所殺

晉郗超字嘉賓年四十一卒嘗黨桓氏以父愔忠王室不令知將亡出小箱付門生云本欲焚此恐官年尊必傷慙爲斃我亡後若大損眠食則呈此箱愔後果慙悼成疾門生如超旨愔見皆與桓溫往反密計大怒曰小子死恨晚後不復哭

晉陶淵明年四十一倦遊作歸去來辭序云風波未靜心憚遠役

唐白居易詩下有獨立人來年四十一

宋石介以七月某日卒於家享年四十有一友人歐陽行年錄

四十一歲 二

修哭之以詩以謂待彼諄諄然後先生之道明矣宋蘓子美謫居姑蘓以詩自放一日觀魚滄浪亭有詩云我嗟不及遊魚樂虛作人間半世人識者以爲不祥未幾果卒年四十一歐陽公序其文而悲之

宋司馬康居父喪寢于地得腹疾且殆猶具疏所當言者以待日得一見天子極言而死無恨使召醫李積於克積老矣鄉民往告曰百姓受司馬公恩深今其子病願速往也積遂行至則不可爲矣年四十一而卒公卿嗟痛於朝士大夫相弔於家市井之人無不哀之

宋趙遠字莊叔初遷著作佐郎帝命遠見上敬帝

曰卿知之乎始終皆朕自擢秦檜一語不及卿以此知卿不附權貴真天子門生也及除起居郎帝又曰奉檜時不附者惟卿一人遠曰受陛下爵祿而奔走權門臣不惟不敢亦且不忍後以疾求外帝以國醫視疾卒年四十一帝爲投淚嘆息

陝西志

遼耶律幹特刺久不喜官祿年四十一始補本班郎君金完顏彝三峰山之敗走釣州城破殺掠少定乃出自言曰我忠孝軍總領陳和尚也大昌原之勝者我也衛州之勝亦我也倒回谷之勝亦我也我死亂軍中人將謂我負國家今日明白死天下必有知我者時欲其降斫足脛折不爲屈割口吻至耳嚙血而呼至

行年錄 四十一歲 三

死不絕大將義之爵以馬潼祝曰好男子他日再生當令我得之時年四十一

五見四餘歲

金禹顯爲元將所擒不忍加害以鐵繩鈴之既而遁去追兵至匿飯山寺中僧走報焉被執不屈死時年四十一

元揭來成年三十三始爲進士四十一而宋亡築室蓑荷山之陰筍陂之下授徒自業暇則率子弟灌蔬雜草講習畦間暮則拾薪蘓以給照其配日夜蚕績佐之以具婚嫁喪祭存老恤孤

西江志 五見十七七十餘歲

明李善長黨胡惟庸惟庸死羣臣請并誅善長上謂吾年二十七識善長于兵間善長年四十一所言多合

迷掌簿書贊計畫為功臣爵以上公女其子此吾微時股肱腹心其勿問

明鄧愈以征西將軍討吐蕃諸部捷聞上悅使召還至壽春而卒年四十一上聞訃哭之慟輟朝三日

明王紳字仲緒洪武間蜀王禮聘教授痛父禱遺骸未返白王走雲南慟哭行求不得即奠死所仰天慟絕滇人感愴稱王孝子卒年四十一

明胡子昭字仲常建文初為刑部侍郎死之臨刑詩曰兩間正氣歸泉壤一點丹心在帝鄉年四十一

明章懋字德懋羅福建按察以考績赴部堅乞致仕冢宰尹旻慰留之曰按君之年四十有一耳不罷軟不

行年錄

四十一歲 四

貪酷不老病如何可退對云古人正色立朝某之罷軟多矣古人一介不取視民如傷某之貪酷多矣年雖未艾鬚髮早白亦可謂老病矣尹旻憮然驚嘆為奏得請五見四十餘八十餘

明劉璩字玉雋號淦溪年四十一夢人以羅衣遺之曰此第二服也有一人先服矣遂登榜眼

明翁正春字啟東號青陽鄉薦後就教龍溪郡守李公見紫雲起學宮意潭士有取焉元者起送科舉日命粧蟾宮折桂極麗期以先入見者卜之俄而先登者翁也父亦任教延平元且夢人贈彩帳上題以姊元吉四字郡守周解曰以姊乃易帝乙歸妹爻辭元吉

為狀元吉兆耶君首唱奚疑時上夢老子進一春字覽進呈卷見翁正春名遂擢為第一時年四十一

明丁積字彥誠知新會先是民苦賦外月供錢更胥緣而為奸貧者至鬻子女積論丁均派令歲輸畢即歸農民歡若更生卒年四十一百姓哀之有姬哭于家人問故曰丁令公死里胥復橫索妾無死所矣其感人類如此廣東志

明許知母王孺人疾至廢食息祝天自代母疾遂愈夢神告曰爾齡僅三十上帝鑒其至孝增壽一紀汪名桂籍後中隆慶庚午鄉試年四十一卒

子年錄

四十一歲

乙

行年錄

哈佛大學漢和圖書館藏

四十二歲

廣昌魏方泰魯峯氏墓

孔子年四十二退而修詩書禮樂弟子彌衆魯哀公十四年春西狩獲麟

漢郭泰字林宗蔡邕作有道碑文云辟司徒掾又舉有道

道皆以疾辭將蹈鴻涯之遐跡紹巢許之絕軌翔

外以舒翼超天衢以高峙稟命不融享年四十有二

以建寧二年正月乙亥卒凡我四方同好之人永懷

哀悼靡所實念乃相與維先生之德以謀不朽之事

邕云吾銘人多矣惟郭有道碑無愧

晉溫嶠既滅蘇峻將留輔政固辭還武昌先有齒疾至

行年錄

四十二歲

一

是拔之因中風至鎮未旬而卒年四十二江州士庶

聞之莫不相顧而泣西江志一作四十三又見四十三歲

劉宋謝莊字希逸家世年無五十者莊年四十二祖四

十七曾祖四十二高祖三十子拙淪並知名談薈按莊卒年四十六此未確詳見三十五互見七歲

宋謝弘微卒年四十二文帝嘆惜甚至謂謝景仁曰謝

弘微王曇首年踰四十名位未盡其才此朕之責也

弘微性寬博無喜愠末年與友人基友人西南基有

死勢復一客曰西南風急或有覆舟者友悟乃救之

弘微大怒投局於地識者知其暮年之事果以此歲

終時有一長鬼寄司馬文宣家言被遣殺弘微弘微

疾每劇輒豫告文宣及弘微死乃別文宣去

南齊世祖夢着桑屐行度太極殿階庾溫云屐者應運

木也臣按桑字爲四十而二點世祖年過此卽帝位

謂着屐爲木行也屐有兩齒有聲是爲明兩之齒至

四十二而行卽眞矣

隋薛濬爲兒時戲滑濱見黃地有角及足召羣童共視

了無見者以爲不祥歸大憂悻母問之以實對時有

胡僧詣宅乞食母以告之僧曰此言應此兒早有名

位然壽不過六七耳言終而出忽不見後終於四十

二六七之言驗矣

唐陳子昂方丁父憂屬本縣令段簡貪暴殘忍聞其家

有財乃附會文法將欲害之子昂懼家人納錢二

十萬而簡意未已數與曳就吏子昂素羸疾又哀毀

杖不能起外迫苛政自度氣力恐其不全因命著自

筮卦成仰而號曰天命不佑吾其死矣於是遂絕年

四十二盧藏用傳作四十三又見四十三歲

唐貞元十八年天水趙公矜年四十二客死於柳州官

爲殮葬於城北元和十三年孤來章始壯來求其墓

不得筮五月甲辰於秦謂兆之曰金食其墨而火以

責其墓直丑在道之右南有貴神塚上是守乙巳於

野宜遇西人深目而髯其得實因七日發之乃觀其

神明日求諸野有吏荷杖而東者問之曰是故趙丞

兒耶吾爲若言是邇吾墓意今則平矣直社之北二
日舉武吾爲子範焉辛亥歿土有木焉發之緋衣衾
凡自塚之物皆在州人皆爲流涕誠來章之孝神付
是叟以與邇偶不然其協焉如此哉廣西志 秦謝直
者姓 廉切

五代王仁裕知貢舉王溥爲狀元時年二十六後六年
遂相周世宗及宋以太子太保罷歸班年纔四十二
在具慶下前此所未有也溥初拜相仁裕猶致仕無
恙嘗以詩賀溥云一戰文場拔趙旗便調金鼎佐無
爲白麻驟降恩何極黃髮初聞喜可知跋扈按前人
到少築沙堤上馬歸遲立班始得遙相見親洽爭如

行年錄

四十二歲 三

未貴時溥在位每沐浴必詣仁裕從容終日蓋唐以
來座主門生之禮尤厚宋葉夢得石林詩話 大千
云字齊物 互見三十二歲
宋寶儼字望之嘗謂盧多遜楊徽曰丁卯歲五星聚奎
自此太平矣二拾遺見之儼不與也已而年四十二
果卒恐如其言

宋蘇軾詩我今四十二衰髮不滿梳 次韻王鞏顏復
同泛舟詩沈郎清瘦不勝衣邊老便帶十圍腰蹀
身輕山上走謹呼船重醉中歸舞腰似雪金釵落
辨如雲玉塵塵憶在錢塘正如此回頭四十二年非
賦年四十二知徐州七月十七日河決澶州曹村壩
八月二十一日及徐州城下先生治水有功至十月

五日本漸退城以全朝廷降詔獎諭作河復詩又別
宋趙師旦知康州儂智高攻城急或請少避師旦曰戰
死與戮死何如城破無一人逃者矢盡與監押馬貴
還據堂坐賊入脅師旦大罵曰餓獠朝廷負若何事
乃敢反耶天子發一校兵爾無遺類矣遂與貴俱遇
害時年四十二

宋張宋卿字恭父母方娠父夢人贈詩曰白蓮池上白
蓮兒一舉成名天下知四十二年間富貴滿船空載
月明歸及宋卿卒於官年四十二舟還初殯僧剎名
白蓮軒既葬于羅浮麻姑峯前有小池號曰白蓮夢
之驗如此廣東志 已見初生

行年錄

四十二歲 四

宋陳東字少陽上疏乞留李綱而罷黃潛善汪伯彥會
布衣歐陽澈亦上疏言事潛善遽以語澈怒高宗書
獨下潛善所府尹孟庚召東議事東請食而行手書
區區家事字畫如平時已乃授其從者曰我死爾歸
致此於吾親食已如廁吏有難色東笑曰我陳東也
畏死即不敢言已言宵逝死乎吏曰吾亦知公安敢
相迫頃之東具冠帶出別同邸乃與澈同斬於市四
明李猷贖其尸瘞之東初未識綱特以國故至爲之
死猷與不識皆爲沈涕年四十有二

元丞相脫脫儀狀俊偉器識宏遠功高不伐好賢禮士
皆出天性事君不失臣節而威於羣小急于私怨年

四十二為哈麻矯詔所殺

元董士元在揚州與宋兵戰泥淖馬不能馳乃棄馬步

戰至四更敵衆始退及旦行省阿里來視戰地見士

元臥泥中身被十七槍甲裳盡赤有與至營而絕年

四十二互見董幼

明彭教字敷五天順甲申狀元時張昇歸省假以詩云

何用有才如董賈不愁無命到公卿或云上去二字

可為教輓詞未幾卒年四十二人以為識云

明彭時字純道英宗復辟召至楊前問出身若其年齒

是時年四十有二矣上曰正是方剛命賜酒飯尋召

入內閣疑上上皇太后尊號時謂李賢宜及此推恩賢

行年錄

四十二歲 五

如朝官父母年七十者予誥勅百姓年八十者予冠

明舒芬正德丁丑狀元授修撰未幾以諫南幸謫外召

復官卒後萬曆丁丑狀元沈懋學授修撰未幾以上

書諫張相丁憂不合移病歸卒二公才氣畧同而修

撰皆無滿任壽皆四十二明史纂載舒卒年四十四

歲

明勞濟字本仁自幼穎敏長而苦學通五經尤長於詩

年四十二始舉鄉薦教人以存心不欺為主江州士

大夫多出其門卒年五十

明霍思字天錫知上蔡縣正德六年冬十有一月賊鈔

上蔡思增埤濬墮繕甲實廩申令嚴約謹通謹謀泣

而誓師曰今日有死而已退而決諸妻妻泣而曰脫

城破妾焉死思曰起臺衙屋後賊至汝登而望之潰

汝則死之已而賊果一騎來勒降曰大王至矣亟辦

牛酒犒軍思聞之怒執而戮之狗於師曰吾不盡礫

諸狗奴決不共戴此天賊聞之乃大怒悉衆而圍之

思禦之力竭而潰賊執之妻見其潰也下臺而經不

死誓諸心拳之入死思之被執也詬罵賊怒髮上

指羣賊駭顧失色氣爲之惛將釋而用之思不屈以

刃挿諸口脅之思奮罵愈厲遂遇害頸斷無血白氣

縷縷若騰龍乃其面猶生也死年四十二妻劉氏死

年三十並返荆軻山而墓祠則春秋祀之賜額曰忠

行年錄

四十二歲 六

節云汝寧府志

明賀錦標生於純袴性癖詩書累舉不第托酒自放其

為詞賦不讓元白而臨池有鍾王之遺行年四十有

二竟為馮夷所祟不知其傳書于橋潭抑赴詔于玉

樓乎悲夫

明梁廷振字伯綱連丁內外艱號慟屢絕年四十二髮

已斑白廣東志

隋柳氏裴倫妻大業末倫仕渭源令城爲賊薛舉所陷

倫遇害氏年四十有二女並兒婦三人皆有美色氏

謂曰汝父已死我自念必不能全家門素清白義不

受辱與汝同死何如女婦泣曰惟母所命柳氏遂自

投井女與婦相繼死井中 山西志

明胡貞婦會氏名靜貞十七歸胡原長原長坐鄉人連

累徙邊死後與子婦劉抱其孤弱孫旅邸中弱孫會

病卒劉即自經死貞婦亦自縊爲人所救甦慨然曰

吾夫亡不死者尙憐此孤弱故忍死莫長養之今復

死矣而劉亦能以年少死義吾何用生爲即嚼舌三

日不食死時年四十二 其子紹歸自邊始葬之石屋

陷既葬乃曰就平復水澗河如帶

明劉端習女擇配蕭東鑑未數歲東鑑卒子珥半歲繼

卒門內外婚姻應其少寡而無子也以語覘之劉泣

曰夫吾天也天可二乎吾足一移異日何以見亡人

行年錄

四十二歲 七

於地下哉舅姑難其志命冢嗣之子激濟繼焉劉氏

視猶已出配其兄劉庶績之女激濟卒劉氏年四十

二撫遺孤曰存性姑婦相依衣食寢興凡視姑爲節

鄉士大夫表其堂曰雙節 西江志 羅倫雙節堂記

行年錄

廣昌魏方泰魯峯氏纂輯

四十三歲

晉重耳以驪姬之讒獻公使宦者履鞮起殺重耳重耳

踰垣宦者遂斬其衣袂重耳遂奔狄狄其母國也是

時重耳年四十三從五士及其餘不名者數十人至

狄 互見十七

孔子年四十三時季氏強僭其臣陽虎作亂專政故孔

子不仕而退修詩書禮樂弟子彌衆

晉溫嶠字太真至牛渚磯有云下多怪物乃燃犀照之

見水族異物夜夢神謂曰與君幽明隔別何意相逼

行年錄

四十三歲 一

也嶠意甚惡因齒疾而卒時年四十三 已見四

晉陸機與孟玖有隙諸於穎使牽秀密收機其夕機夢

黑德繞車手決不開天明秀兵至嘆曰華亭鶴唳可

復聞乎遂遇害年四十三

晉王虞字世將奏中興賦疏曰臣犬馬之年四十三矣

未能上報天施而誓負屢彰恐先朝露填溝壑今微

情不得上達謹竭其頑獻中興賦一篇雖未足以宣

揚盛美亦是詩人嗟嘆咏歌之義也

元魏王由字茂道善草隸工篆畫有名士之風罷郡寓

居潁川天元初洪威據道大軍攻討爲亂兵所害時

年四十有三名流悼惜之 關封志